

雪堂叢刻

序目

南宋李石續博物志皇甫謐傳高士七十二人今本高士傳三卷九十六人乃後人雜采諸書依附爲之真僞錯出核以古籍所引多不合上虞羅振玉讀而病之以光緒丁亥之秋取史記正義後漢書注三國志注文選注初學記藝文類聚太平御覽諸書所引錄爲一卷得傳七十有三較李石所云多一人隋書經籍志稱皇甫謐高士傳六卷似人數不僅七十二或李石誤也士安所撰別有逸士傳古書徵引二書多相混御覽逸民類引高士傳有巢父文選蔡伯喈郭有道碑及曹子建七啓注引則並作逸士傳三國魏志管寧傳注文選謝元暉郡內登望詩

注並引高士傳有管寧御覽閒爭類引則作逸士傳御覽逸民  
類引高士傳有荀靖御覽美丈夫類及三國志荀彧傳注引則  
並作逸士傳徵引互歧按高士逸士旣分二科人物事實亦必  
有異不應兩傳相同殆引者誤混耳士安此書多雜采古籍爲  
之有可據以訂古書脫誤者如王倪傳疾雷破山暴風振海乃  
莊子齊物論篇之文今莊子作疾雷破山風振海據此知兩句  
本對舉風上舊有暴字今本脫之可據此傳校補者也玉輯此  
書采自御覽爲多惜御覽無善本

玉所據爲  
明活字本

譌舛觸目其有他

書可證者改之無他書可證雖確審其誤仍舊弗改也繕集旣  
完歲律云莫爰灸研爲之敍並次先後爲目錄如左

王倪

齧缺

巢父

許由

善卷

壤父

蒲衣

披裘公

江上丈人

弦高

老子

老萊子

荷蕢

石門守

陸通

曾參

顏回

原憲

壺丘子林

列禦寇

段干木

東郭順子

公儀潛

王斗

黔婁先生

亥唐

陳仲

漁父

安期先生

河上丈人

樂臣公

蓋公

東郭先生

四皓

黃石公

魯二徵士

田何

王生

摯峻

韓福

成公

安丘望之

宋勝之

張仲蔚

嚴遵

彭城老父

韓順

鄭樸

季弘

王霸

嚴光

牛牢

東海隱者

高恢

韓康

丘訢

任棠

摯恂

孫期

孔嵩

徐穉

夏馥

郭泰

申屠蟠

袁閔

姜肱

管寧

鄭玄

任安

姜岐

荀靖

胡昭

焦先

序目

高士傳序

晉 皇甫 謐 譔

孔子稱舉逸民天下之人歸心焉是以洪崖先生創高於上皇  
之世許由善卷不降於唐虞之朝三代秦漢達乎魏興受命其  
中賢之主未嘗不聘巖穴之隱追遯世之民是以易著束帛之  
義禮有玄纁之制詩人發白駒之歌春秋顯子臧之節明堂月  
令以季春之月聘名士禮賢者然則高尚之士王政所先

太平御覽

○卷五百一逸民類引  
○案此所引未完

高士傳

上虞羅振玉輯

王倪

王倪者堯時賢人也堯師被衣齧缺學於王倪問道焉

按此文下有脫文

齧缺曰子不知利害則至人固不知利害乎王倪曰至人神矣大澤焚而不能熱河漢沍而不能寒疾雷破山暴風振海而不能驚若然者乘雲雨騎日月而遊天地之外死生無變於己而

況利害之間乎

太平御覽卷五百六逸民類引

齧缺

齧缺堯時人許由師事齧缺堯又師由問曰齧缺可以配天乎

案此下有脫文既而齧缺遇由由曰子將何之曰將逃堯曰何謂也曰

夫堯知賢人之利天下而不知賊天下遂逃不見

太平御覽卷五百六逸民

類引

### 巢父

巢父者堯時隱人

文選曹植七啓注引有常山居三字

年老以樹爲巢而寢其上

故時人號曰巢父堯之讓許由也由以告巢父巢父曰汝何不

隱汝形藏汝光若非吾友也擊其膺而下之由悵然不自得乃

過清冷之水洗其耳拭其目曰向者聞貪言負吾矣遂去終身

不相見

太平御覽卷五百六逸民類引

許由

由字武仲

莊子釋文引作字仲武

陽城槐里人也

文選左思詠史詩注引此下有隨冲虛學於鬻

字缺七

堯舜皆師而學事焉後隱於沛澤之中堯乃致天下而讓

焉

太平御覽引堯下有聞字

由爲人據義履方邪席不坐邪膳不食聞堯讓

而去其友巢父聞由爲堯所讓以爲汚已

文選孔德彰北山乃移文注引無己字

臨池洗耳池主怒曰何以汚我水由於是遁耕於中岳潁水之

陽箕山之下終身無經天下色死葬箕山之巔在陽城之南十

里堯因就其墓號曰箕山公神以配食五岳世世奉祀至今不

絕也

世說新語言語類注引○史記伯夷列傳正義所引與此頗殊附錄於此許由字武仲堯聞致天下而讓焉乃退而

遁於中岳潁水之陽箕山之下隱堯又召爲九州長由不欲聞之洗耳於潁水濱時有巢父牽犢欲飲之見由洗耳問其故對

曰堯欲召我爲九州長惡聞其聲是故洗耳巢父曰子若處高岸深谷人道不通誰能見子子故浮游欲聞求其名譽汚吾犢

口牽犢上流飲之許由歿葬此山亦  
名許由山在洛州陽城縣南十三里

## 善卷

善卷者古之賢人也堯聞其得道之士乃北面師之而問道焉  
及受終之日又以天下讓卷卷曰昔唐氏之有天下不教而民  
從之不賞而民勸之天下均平百姓安靜不知怒喜今子盛爲  
衣裳之服以眩民目繁調五音之聲以亂民耳作皇詔之樂以  
愚民心耳目益榮天下之亂從此始矣吾雖爲之其何益乎予  
立宇宙之中冬衣皮毛夏衣絺葛春耕種形足以勞秋收斂身  
足以休日出而作日入而息逍遙於天地之間而心意自得何  
以天下爲哉遂不受入深山莫知其處

太平御覽卷五  
百六逸民類引

壤父

壤父者堯時人年五十而擊壤於道中觀者曰大哉帝之德也  
壤父曰吾日出而作日入而息鑿井而飲耕田而食帝何德於

我哉

太平御覽卷五  
百六逸民類引

蒲衣

蒲衣者舜時賢人也年八歲而舜師之後遂讓以天下蒲衣不

受而去莫知所終

太平御覽卷五  
百六逸民類引

披裘公

披裘公者吳人延陵季子出遊見道中有遺金顧而覩公曰取  
彼金公投鎌瞋目拂手而言曰何子處之高而視人之卑暑月

披裘而負薪豈取金者哉季子大驚既謝而問姓名公曰子皮相之士何足語姓名哉

太平御覽卷五  
百七逸民類引

### 江上丈人

江上丈人者楚人也楚平王以費無極之讒殺伍奢奢子員亡將奔吳至江上欲渡無舟而楚人購員甚急自恐不脫見丈人得渡因解所佩劍與丈人曰此千金之劍也願獻之丈人不受曰楚國之法得伍胥者爵執珪金千鎰吾且不取何用劍爲不受而別莫知其誰員至吳爲相求丈人不能得每食輒祭之曰名可得聞而不可得見其唯江上丈人乎

太平御覽卷五  
百七逸民類引

### 弦高

弦高者鄭人也鄭穆公時高見鄭爲秦晉所逼乃隱不仕爲商  
人及晉文公之返國也與秦穆公伐鄭圍其都鄭人私與秦盟  
而晉師退秦又使大夫杞子等三人戍鄭居三年晉文公卒襄  
公初立秦穆公方強使百里孟明視西乞術白乙丙率師襲鄭  
過周及滑鄭人不知時高將市於周遇之謂其友蹇他曰師行  
數千里又數經諸侯之地其勢必襲鄭凡襲國者以無備也示  
以知其情必不敢進矣於是乃矯鄭伯之命以十二牛犒秦師  
且使入告鄭爲備杞子亡奔齊孟明等返至都晉人要擊大破  
秦師鄭於是賴高而存鄭穆公以存國之賞賞高而高辭曰詐  
而得賞則鄭國之信廢矣爲國而無信是敗俗也賞一人而敗

國俗智者不爲也遂以其屬徙東夷終身不返

太平御覽卷五  
百六逸民類引

### 老子

桓帝好老子之書夜夢見老子乃詔於陳爲老子立祠

太平御覽卷三

百九十九  
應夢類引

### 老萊子

老萊子者

太平御覽卷四百七十四禮賢類引此下有  
楚人也此脫

楚公室

亂逃耕於蒙山之陽

藝文類聚薦席類引此句上有親沒二字

蓬蒿爲室

初學記貧  
類太平御

覽禮賢類引此句上  
皆有以荏葦爲牆句

枝杖於牀

初學記引作板木爲牀藝文類聚  
賢類引作板木爲牀藝文類聚

引作枝  
木爲牀

飲水食菽

初學記御覽禮賢類引此  
句上皆有善艾爲席四字

墾山播種人或言

於楚王王於是駕至萊子之門王曰守國之政孤願煩先生

覽御

禮賢類引無上九字作寡人幸臨之老萊子曰諾御覽禮賢類引無諾字此下有僕山野之

人不足以守政十字王去其妻樵還日子許之乎老萊子曰然妻曰妾聞

之可食以酒肉者可隨而鞭捶可授以官祿者可隨而鈇鉞妾

不能爲人所制者

按者字疑衍文

妻投其畚而去老萊子亦隨其妻至

於河南以萊子爲老萊子

按此句不可通疑上下有脫文或傳寫誤

人莫知其所終

也

太平御覽卷五百六逸民類引

### 荷蕢

荷蕢者衛人也避亂不仕自匿姓名孔子擊磬於衛乃荷蕢而

過孔氏之門曰有心哉擊磬乎既而曰磴磴乎莫已知而已矣

深則厲淺則揭孔子聞之曰果哉末之難矣

太平御覽卷五百七逸民類引

石門守

石門守者魯人也亦避世不仕自隱姓名爲魯守石門主晨夜

開閉之

按之字衍文

子路從孔子入石門而問子路曰奚自子路曰

自孔氏遂譏孔子曰是知其不可而爲之者與時人賢焉

太平御覽

卷五百七  
逸民類引

陸通

陸通字接輿楚昭王政亂佯狂不仕故曰接輿也

太平御覽卷  
五百九逸民

類引○按此句與上文義不貫中有脫文

曾參

曾參字子輿

此下有佚文

哀公致邑焉參辭不受曰吾聞受人者常